

النوايا السبع للعمرة و المشاعر الأربعة للتلبية | #عمرة_التبرية_1

| د . حازم شومان

حازم شومان

السلام عليكم ورحمة الله وبركاته. السلام عليكم. وعليكم السلام. صاحبيين يا اخواني؟ ان شاء الله بازن الله ما فيش نوم بازن الله سبحانه وتعالى حتى نصل الى بيت الله الحرام بازن الله يا اخواني. يعني احنا طالعين عمرة بالنسبة للي طالع اول مرة يعني كثير من العلماء قال ان العمرة واجبة مرة في العمر - [00:00:00](#)

ابن عباس يقول والله ان الحج والعمرة لقرينان في كتاب الله. زي ما ربنا قال واتموا الحج والعمرة لله. فربنا امر باتمام العمرة كما امر باتمام الحج. فاللي اول مرة يعتمر كثير من العلماء ان العمرة واجبة. اخواني في الله يعني بداية واحنا رايحين لايبار علي هنقف قدام المسجد - [00:00:20](#)

هنقول لبيك اللهم عمرة. لو انت هتعملها لنفسك هتقول لبيك اللهم عمرة لا رياء فيها ولا سمعة. لا رياء فيها ولا سمعة. يبقى لو انت هتعملها لنفسك. يبقى لو انت هتعملها لنفسك هتقول لبيك اللهم عمرة لا رياء فيها - [00:00:40](#)

ولا سمعة لو هتعملها عن حد هتقول لبيك اللهم عمرة عن فلان. هتعملها عن حد لبيك اللهم عمرة عن اه فلان يعني احنا بنعتمر ليه يا اخواني بازن الله؟ رايحين نعمل عمرة ليه؟ لازم نجدد النية لان النبي عليه الصلاة والسلام يقول وانما لكل امرئ ما نوى. هتأخذ في الدنيا والاخرة - [00:01:00](#)

اخرة من ربنا على قد نيتك. وانما لكل امرئ ما نوى رايحين نعمل عمرة ليه؟ اول حاجة عشان السواب العظيم للعمرة ولعبادة هنا في المسجد الحرام. احنا كنا في المدينة السواب بالف رايحين مكة السواب بميت الف. ميت الف يعني جلسة الضحى مية الف جلسة ضحى - [00:01:20](#)

الله قيام الليل ختمة القرآن بميت الف خاتمة. السنة بميت الف سنة. فتخيل بقى بميت الف يعني يوم يعني تخيل ليلة القدر المضاعفة فيها ستين الف ضعف. ليلة القدر اللي بالف شهر المضاعفة فيها ستين الف ضعف. الحرم المضاعفة مية الف ضعف - [00:01:40](#)

يعني المضاعفة في الحرم اكبر اربعين الف مرة من ليلة القدر. كأن احنا رايحين ليلة قدر مفتوحة بازن الله سبحانه وتعالى. فاحنا رايحين عشان السواب العظيم احنا رايحين عشان الحسنات ما ننساش السيئات. رايحين عشان ربنا يكفر لنا سيئاتنا. طواف الوداع لوحده. طواف الوداع. مش بتكلم عن طواف العمرة - [00:02:00](#)

ولا عن سعي العمرة ولا على العبادة هناك. طواف الوداع لطواف اللي هتطوفه قبل ما تروح بلدك بازن الله. طواف الوداع ترجع كيوم ولدتك امك. طواف الوداع يغفر لك جميع ذنوبك فيه بازن الله. فما بالك بباقي العبادات بقى آآ في تكفير السيئات؟ قال رسول الله صلى الله عليه وسلم - [00:02:20](#)

بين الحج والعمرة فانهما تنفيان الفقر والذنوب كما ينفي الكير خبث الحديد. تنفي نفي يعني بتنفي الفقر لان الناس بتقول انا هدفع كذا الف جنيه عشان ارواح. لأ ده انت ربنا هينفع عنك الفقر. يبقى مشكلة الدنيا الفقر ومشكلة الاخرة الزنوب ومشكلة الدنيا الكبيرة - [00:02:40](#)

فقر ومشكلة الاخرة الكبيرة الزنوب بيتحلوا بسبب هذه العمرة بازن الله. كما ينفي الكير خبث الحديد. الحديد بيتحط في فرن ملتهب. يعني لما كنا بندرسه زمان في الدراسة كان بيفكرنا بجهنم يعني يعني ان حاجة حاجة مهولة مرعبة والعياذ بالله. فالحديد عشان

الشواذب اللي - 00:03:00

نسكافيه تتشال منه لازم يتحط في نار موقدة. فتخيل انت بقى امراض قلبك اللي بقى لك سنين مش عارف تعالجها. الزنوب اللي صعب انك انت تتوب منها. الزنب اللي انت متعلق به ومش قادر تتخلص منه. العمرة ممكن تطهرك من هذه السيئات. وتطهرك من -

00:03:20

هذه الامراض القلبية الخطيرة اللي ماسكة في القلب زي ما آآ زي ما الخبس بتاع الحديد ماسك فيه. طيب بنعتمر ليه كمان يا جماعة؟ عشان نشابه ملائكة السماء السابعة اللي بتطوف حوالين البيت المعمور. ما فيش مكان فيه عبادة الطواف على وجه الارض

غير عند الكعبة. عبادة الطواف دي العبادة اللي - 00:03:40

اصطفاها لمن حول عرش الله. اللي هي اعلى ملائكة في الوجود. فتخيل ربنا اصطفى لهم هذه العبادة واصطفاها الملائكة السماء سبعة سبعين الف منهم يوميا يعني بالتعبير بتاعنا كده بياخدوه تأشيرة الذهاب للبيت المعمور فيطوف حوله ثم لا يعود اليه بعد -

00:04:00

كذلك من كثرة عدد الملائكة في السماء السابعة. بنعتمر ليه يا جماعة؟ من اسم العمرة؟ انت رايح تعمر بيت الله وربنا يعمر قلبك بالايمان رايح تعمر بيت الله وربنا يعمر دينك وديناك من فضله ورحمته وكرمه. بنعتمر ليه يا جماعة؟ عشان ندعي ربنا. كل واحد منا

يركز - 00:04:20

في الدعاء يا جماعة. ما تروحش هناك ما انتاش عارف تدعي بايه. تايه ما بين خمسين دعوة من الوقت حدد. ايه الطالبين ثلاثة اللي

انت عايزهم؟ ايه التلات اربع حاجات - 00:04:40

اللي هتنتش عليها طول العمرة دي بازن الله سبحانه وتعالى. من الوقت ركز عشان تروح هناك تركز في الدعاء ما تلاقيش نفسك تايه. وعشان لما تدعي تدعي بقلب فعلا مقبل على الله سبحانه وتعالى. رايحين ندعي سعيد بن جبير يقول ما ان البيت الحرام احد طالبا -

00:04:50

من دنيا او دين الا رجع وقد قضاها الله له. يبقى اذا اجابة الدعاء. رايحين ليه ثاني يا جماعة رايحين عشان الاسر الدنيوي للطاعة. انا

مش باطيع ربنا ودافعين الوفات وسايبين بلادنا وجايين من سفر لسفر وكل حركة بنتنقلها - 00:05:10

بنتعطل فيها ثلاث اربع ساعات يعني كل ده مشقة وكل ده كل ده عشان ربنا سبحانه وتعالى. طب ربنا هيديك في الاخرة بس لأ وكمان

في الدنيا يعني تخيلوا لو احنا دلوقتي رايحين - 00:05:30

رائحين لملك السعودية ها ملك استحملنا كل المشقة دي يا ترى هيعمل لنا ايه وهيدينا ايه؟ لأ ده احنا رايحين لملك الملوك سبحانه وتعالى. بنعتمر ليه يا جماعة؟ عشان نصلح قلوبنا ونطهر قلوبنا. قال تعالى وهدي للعالمين. عارفين الدم الفاسد اللي طالع من الخلايا

بيروح القلب والقلب يضخه للرئة - 00:05:40

روح الرئة بقى يتطهر ويتنظف ويقوم راجع القلب ثاني القلب يضخه طاهر نضيف للجسم. اهو القلب هو الكعبة. واحنا الدم الملوس

اللي الدنيا لوسته. رايحين عند الكعبة ننصف ونتطهر ويتجدد الايمان في قلوبنا. وبعد كده نضخ ثاني لبلادنا - 00:06:00

نروح نور حياة الناس وهدي للعالمين. زي ما ربنا سبحانه وتعالى بيقول جعل الله الكعبة البيت الحرام قياما للناس. قيام يعني

وزهبك هناك هيقومك. هيقومك مستقيم. هيقوم حياتك. هيزبط حياتك بازن الله. زي ما البشمهندس علي - 00:06:20

يا جماعة ان الموضوع مش تأشيرة ولا تزكرة. الراجل اللي كان اه يعني من مصر يعني وكان اه اه يعني غني وعايزينه يروح وهو مش

عايز اللي في الاخر كسوف بقى من اللي حواليه رايح. لقي المولات حوالين الحرم اشترى من المولات. وداخل لقي ممنوع انه يدخل

بالهدايا في الحرم. فقام داخل من غير - 00:06:40

الدنيا امان وهو داخل فوجئ ان محفظته اتسرقت رجع للهدايا لقي هدايا والسهادات وسرقت فقال يا رب يعني انا جاي لك وانت

تعمل معي كده رفض دخول الكعبة وهو مش واخذ باله انه طرد والعياز بالله. الموضوع مش تأشيرة ولا تزكرة. ممكن واحد يوصل

لحد هناك. ولكن يجب ان تذهب بالافتقار - 00:07:00

وترجع بالانكسار. رايح مفتقر ان ربنا يفتح لك ويقبلك. وراجع منكسر مش راجع ده انا عملت بقى اللي ما حدش عمله ده انا يا رب عبادتي ما زودتنيش غير احساس بالزنوب. اخواني في الله احنا بنحاول نجدد النية ولكن احنا الوقتي قدامنا عبادة لمدة - [00:07:20](#) اربع ساعات بس. العبادة دي ممكن تبقى المرة الوحيدة اللي هتعبد ربنا بها في حياتك. يعني الطواف احنا ان شاء الله هنحاول نطوف بعد كل صلاة باذن الله. ولكن عبادة التلبية عبادة لبيك اللهم لبيك. عبادة مزبوط - [00:07:40](#)

بيقطع ليه؟ عبادة التلبية. عبادة ان تلبى لله سبحانه وتعالى العبادة دي يا جماعة قدامنا اربع ساعات بنعملها مرة في العمر. اللي هييجي هنا مرة مش هيعملها مرة ثانية. ما فيش مكان ثاني هتطوف حواليه وتقول لبيك اللهم لبيك. عايزين يا اخوان ان شاء الله دي تبقى دي احسن عمرة نعملها في حياتنا ان شاء الله. مش عايزين نهدي لربنا - [00:08:00](#)

عبد ميت زي زمان كده اللي ايه اللي يهدي الواحد عبد يساوي عشرين ثلاثين الف جنيهه ولكن بعد ما مات قيمته ايه؟ احنا مش عايزين نهدي عبادة ميتة ما فيهاش روح ما فيهاش ايمان ما فيهاش اخلاص ما فيهاش اقبال. عايزين نلبي الاربع ساعات ان شاء الله تلبية من قلب فعل - [00:08:20](#)

فعلا ملهوف وهو رايح لمولاه. لبيك دي يعني ايه؟ يعني ربنا ناداك. فانت بتقول له جاي لك يا رب. جاي لك يا رب. جاي لك يا رب. فانت بتفضل الاربع - [00:08:40](#)

بتوع الطريق وانت رايح تلبى نداء الملك بالذهاب للكعبة. تقول طول الطريق جاي لك يا رب. جاي لك يا رب. جاي لك يا رب. فانت لازم تستشعر الالهة دي. لازم تستشعر يعني ايه لبيك. لبيك دي يا اخواني. يعني يقول لك امرأة لبي يعني بتحب ولادها اوي. يعني جاي لك بحب يا - [00:08:50](#)

رب جاي لك بقلبي يقول لك الب بالمكان يعني اقام يعني ده عهد بيني وبينك يا رب. انا مش جاي لك مرة. انا هفضل طول حياتي على طاعة يا رب لبيك يا جماعة يعني تلبية بعد تلبية. يعني مش مرة وخلص يا رب. انا باعاهدك في كل مرة باقول لبيك اللهم لبيك ان انا مش راجع - [00:09:10](#)

ثاني يقول لك دارك تلب داري. يعني وش بيتك في وش بيتي. يعني جاي لك مقبل عليك يا رب. يعني جاي لك بقلبي مش جاي لك برجلي. يعني اللي طابير الوقتي مش الاتوبيس. ده اللي طابير ده قلوبنا يا جماعة. لبيك اللهم لبيك يعني ايه؟ لبيك - [00:09:30](#) انا الفلاحي يعني جاي لك يا رب. جاي لك يا رب. بس انا عشان اجي مش اي حد ناداك في السعودية وانت في مصر سبت له دولة ورحت دولة ثانية وسبت اهلك وبيتك وشغلك ودينيتك وحياتك ووطنك وارضك وسماك ورحت له. ده لك انت بس يا رب. طب ايه اللي خلاك - [00:09:50](#)

تلبى نداء الله. ايه اللي خلاك لما ربنا يناديك لبيت ندائه؟ ها جاي يبقى تستشعر ايه؟ وانت بتقول لبيك اللهم لبيك. ده انت بتقول له جاي لك يا رب هو مش جاي لك بس ده انا جاي لك وسايب كل حاجة. ده انا لابس لبس لا لون ولا شكل ولا تفصيل. ده انا جاي لك وسايب بلدي واحبابي وحياتي - [00:10:10](#)

انا جاي لك الطلبية دي يا اخواني معنى. لو استقر في قلوبنا الاربع ساعات ده هيقبل حياتنا. الطلبية لو عشان كده تلاقي يعني واحد سبحانه يقول لبيك اللهم لبيك. وفي النص انزل الاستراحة اشرب سيجارة. لبيك مين يا ابني! انت مش عارف انت بتقول ايه اصلا! انت مش عارف معنى الكلام اللي انت بتقوله. عايزين نعبد ربنا - [00:10:30](#)

صح يا جماعة لبيك نستشعر ايه واحنا بنقول لبيك. ركزوا معي بقى لان احنا هنوصل ادوار عالية دلوقتى ان شاء الله. ومن اول ما هنقول لبيك اللهم عمرة هنبدا نلبي - [00:10:50](#)

باذن الله ما بين الطلبات هناخذ شوية تلبية وبعد كده كلمة عن معنى من معاني العمرة عشان نسخن في الطلبية اكثر. وبعد كده شوية تلبية وبعد كده ان شاء الله مسلا شيه من فقه العمرة عشان نسخن في الطلبية اكثر. فيعني احنا مع بعض مسلا لمدة ساعة وي باذن الله. بعد كده هانزل انا اتوبيس ثاني ييجي - [00:11:00](#)

حسن دكتور احمد سيف يكمل معكم. المفروض ان التلات اتوبيسات ما يبطلوش تلبية لحد ما نوصل مكة. زي ما باقول لكم هي مرة.

هي العبادة في السفرية كلها مرة مش عايزين نضيع المعاني بتاعها. افتكر ايه وانا بقول لبيك اللهم لبيك. افتكر ايه وانا بقول لبيك انا لبيك دي يعني - [00:11:20](#)

طب جاي ليه؟ جاي لربنا ليه؟ جاي لربنا ليه يا احمد يا خلف؟ سايب دولتك وبلدك وعمرك وحياتك ومصالحك وشغلك ووالدك سايب الدنيا دي كلها وجاي ليه؟ جاي لك يا رب لاني باحبك. ده اول حاجة استشعر الحب اللي جابك. جاي لك عشان - [00:11:40](#)
كل نعمة ادتها لي في حياتي. انا مش باقول لك معاني وعظية. انا باقول لك انت هتفتكر ايه وانت بتصرخ وبتقول لبيك اللهم لبيك. لبيك لا شريك لك لبيك سيدنا محمد بيوصف تلبية سيدنا موسى وهو رايح الكعبة يقول وضع موسى اصبعيه في اذنيه قفل ودانه عشان مش - [00:12:00](#)

عايز يسمع مخلوق وله جوار الى الله بالتلبية. بيجار. يا جماعة الزكر بيبقى في شرك الدعاء بيبقى في شرك. انما التلبية بتجار زي ما النبي عليه الصلاة والسلام قال افضل الحج العج والثج. العج اللي هو - [00:12:20](#)
الجهر بالتلبية والثج اللي هو اراقة الدماء. اللي هو الهدي يعني او اللي هو الذبح يعني لله. فالتلبية دي الله يحبها. ما من عبد يلبي الا بشر ما اهل مهل ولا كبر مكبر قط الا بشر. قالوا يا رسول الله بالجنة؟ قال بالجنة. يعني وانت بتلبي - [00:12:40](#)
انت بتبشر بالجنة. ما من ملب يلبي الا لبي ما عن يمينه وعن شماله. من شجر او حجر او مضر ما فيش طوبة ما فيش شجرة ما فيش صخرة ما فيش جبل على يمينك وشمالك لآخر الطريق الا بتلبي وبتقول لبيك اللهم لبيك. جاي لك يا رب - [00:13:00](#)
لما انت بتلبي التلبية لها سواب عظيم يا اخواني. يبقى اول حاجة تفتكرها وانت بتلبي وانت بتقول لبيك اللهم لبيك. لبيك بحب. يبقى ليه جاي لربنا جاي لك يا رب عشان بحبك تفتكر نعمة نعمة ربنا اداها لك. نعمة نعمة ربنا عملها لك. طب رقم اتنين جاي لك ليه - [00:13:20](#)

جاي لك عشان خايف يا رب. خايف من عزابك. خايف من غضبك. خايف من عقابك. خايف انك تسييني قلبي يتقلب عن الايمان يبقى تفتكر وانت بتقول لبيك تفتكر جهنم. تفتكر عذاب القبر. تفتكر احوال يوم القيامة. تفتكر ارض المحشر. يبقى انا جاي لك عشان ما تعزبنيش - [00:13:40](#)

جاي لك عشان ما تعاقبنيش بزنوبي في الدنيا. تفتكر زنوبك اللي عملتها طول حياتك كلها. جاي لك لاني خايف منك يا رب. خايف من عقوبتك. طيب رقم ثلاثة جاي ليه؟ جاي لك عشان عشان برجوك يا رب. جاي لك تفتكر كل اللي انت عايزه من ربنا دنيا واخرة. تفتكر - [00:14:00](#)

الجنة. تفتكر نعيم القبر. تفتكر ظل عرش الله. تفتكر كشف الحجاب والنظر لوجه الله. تفتكر الشرب من ايد النبي عليه الصلاة والسلام في على الحوض تفتكر الفردوس الاعلى. تفتكر حسن الخاتمة. تفتكر كل طلب دنيوي وكل مشكلة عندك نفسها - [00:14:20](#)
نفسك انها تتحل وانت بتقول لبيك لبيك عشان تجيب لي الاجابة بتاعتي يا رب. عشان تجيب لي طلباتي. يبقى اذا لبيك حب تفتكر ايه كل نعم ربنا. وبعد كده لبيك خوف تفتكر كل انواع العزاب وكل زنوبك اللي خايف منها. بعد كده لبيك رجاء تفتكر كل اللي انت عايزه - [00:14:40](#)

من ربنا دنيا واخرة. الرابعة لبيك تعظيما بقى. تفتكر جلال الله. تفتكر اسماء الله الحسنى. تبص في السما واحنا ماشيين في الطريق وتشوف النجوم وجمال الله في خلق السماء. تفتكر العرش اللي كل الكون ده حلقة في فلاة بالنسبة له. تفتكر السموات السبعة اللي مليانة مليارات المليارات - [00:15:00](#)

من الملائكة اللي بتسبح ليل نهار تفتكر ابداع الله في خلق كل شئ حتى خلقك انت نفسك. يبقى اذا يا اخواني واحنا بنقول لبيك اللهم لبيك. لبيك لا شريك لك لبيك. ان الحمد والنعمة لك والملك. لا شريك لك. واحنا بنلبي هفتكر الاربع مشاعر دول. حتى - [00:15:20](#)

يقول لي الاربع مشاعر دول اول حاجة ايه؟ لبيك بايه؟ بحب يفتكر ايه بقى وانا باقول لبيك وانا حاسس بحب الله. افتكر نعم الله ده نعمة نعمة. نعمة نعمة. طيب لبيك بايه تاني؟ خوف. افتكر ايه بقى وانا وانا خايف؟ جهنم - [00:15:40](#)

موعظة بالقبر والعياذ بالله وكل الحاجات دي. طيب لبيك بايه تالت؟ رجاء افتكر ايه وانا بقول لبيك اللهم لبيك قلبي يولع وانا باقولها بالرجاء. افتكر ايه؟ كل اللي انا عايزه من ربنا في الدنيا والاخرة زي ايه؟ الجنة وايه - 00:16:00

الفردوس الاعلى وايه؟ اللهم اجعلنا من اهلها يا رب. وايه؟ وشاربة من ايد النبي عليه الصلاة والسلام. وكل مشاكلنا في الدنيا. انا جاي لك يا رب عشان تشفيني انا جاي لك يا رب عشان تزقني. انا جاي لك يا رب عشان تحل مشكلتي. انا جاي لك يا رب عشان قريبي اللي عنده ازمة تفرجها عنه. قال لها امال ايه؟ طيب - 00:16:20

ورابع حاجة لبيك بايه بقى؟ تعظيم الله اكبر. آآ لبيك بتعظيم وصلنا تفتكر جلال الله في السماوات والارض والابداع في الخلق تفتكر الاربعة دول طول ما احنا في الطريق دلوقتي يا جماعة احنا في ابيار علي هنقول بقى بازن الله احنا مش هننزل. ما احناش هننزل يا اخواني. يا استاز مش هننزل - 00:16:40

مش هننزل هنمشي. هنمشي. مش هنقعد. نستوب. نستوب. نستوب له حركات حركات نورس حركات! هنمشي. حركات يلا يا اخواني. لا لا ما احنا هنقول له في في النص بس دلوقتي حركات حركات. اللي خايفة ان يحصل لها حاجة ما تعرفش تكمل العمرة بالنسبة - 00:17:00

ظروف النساء او كده هنقول ايه الوقتي؟ نقول لبيك اللهم اللي هيعمل عمرة لنفسه يقول لبيك اللهم عمرة لا رياء فيها ولا كده بقى حضرتك بقيت محرم. ده اللي اسمه الاحرام. مش لبس ده اللي اسمه الاحرام. ايه - 00:17:40

حضرتك طب حاضر حاضر. لو حد هيعملها لحد مات يقول لبيك اللهم عمرة عن فلان عن والدي عن والدتي عن فلان الفلاني كده. آآ سانية واحدة سانية واحدة يا حبيبي سانية واحدة. هيخش الحمام بس - 00:18:00

ادخليها اليمنى يا حبيبتني. لو حد خايف يقول لبيك اللهم عمرة فان حبست فمحلي حيث حبستني. لو حد خايف ان يحصل له اي زرف ما تكملش العمر. بس ده اللي خايف انما مش كله يقولها - 00:18:20